

# **Bengkel Teknik Menjawab Matematik Skor 'A' SPM 2022**

**LABUAN, 4 Februari** : Bengkel Teknik Menjawab Matematik Skor 'A' SPM 2022 anjuran Task Force Matematik SPM 2022 Jabatan Pendidikan Wilayah Persekutuan Labuan telah diadakan di Bilik Rafflesia, Financial Park Labuan pada 4 Februari 2023 yang lalu.

Bengkel ini telah menjemput Cik Juraidah Binti Aman, pegawai SISC+ Matematik Sektor Pembelajaran, Jabatan Pendidikan Wilayah Persekutuan Labuan sebagai penceramah untuk bengkel kali ini.

Bengkel yang telah disertai oleh kira-kira 120 orang pelajar cemerlang terpilih daripada semua sekolah menengah itu dimulakan dengan bacaan doa sebagai memohon keberkatan kelancaran program yang diketuai oleh Aiman Bin Adsman, pelajar Tingkatan 5 dari SMK Taman Perumahan Bedaun.

Peserta Bengkel Teknik Menjawab Matematik Skor 'A' SPM 2022 tekun mendengar 'tips' yang disampaikan oleh penceramah.

Turut hadir ke program bagi memberikan sokongan ialah Ketua Penolong Pengarah Unit Sains dan Matematik Sektor Pembelajaran, Jabatan Pendidikan Wilayah Persekutuan Labuan, Puan Norhayati Binti Yahya, Pengetua SMK Taman Perumahan Bedaun, Puan Norazita Binti Md Nor @ Shamsuri serta Guru Kanan Bidang Sains dan Matematik SMK Taman Perumahan Bedaun, Cikgu Gabriel Chin Vui Wen.

Puan Norhayati Binti Yahya dalam ucapan amanatnya turut menzahirkan harapan agar baki hari-hari terakhir sebelum menjelang peperiksaan bertulis SPM, pelajar dapat membuat ulang kaji latihan menjawab soalan dengan sebaik mungkin.



Amanat oleh Norhayati Binti Yahya, Ketua Penolong Pengarah Unit sains dan Matematik kepada semua peserta bengkel.

Beliau turut mendoakan agar semua calon SPM bagi tahun 2022 ini dapat menaikkan lagi peratus kecemerlangan mata pelajaran Matematik di Wilayah Persekutuan Labuan.

Bengkel ini diakhiri dengan penyampaian cenderahati dan sijil penghargaan kepada penceramah khas yang telah diundang.

**Berita Oleh : SMK Taman Perumahan Bedaun**

Dari kiri: Juraidah Binti Aman, Norhayati Binti Yahya dan Norazita Binti Md Nor@Shamsuri. Penceramah menerima sijil penghargaan dan cenderahati.